



COLEXIO DE XEÓGRAFOS

Delegación Galega do Colexio de Xeógrafos

**MEMORIA DE ACTIVIDADES DA
DELEGACIÓN GALEGA DO
COLEXIO DE XEÓGRAFOS**

2015



I. ÁREA DE XESTIÓN

1. Colexición

Como podemos ver no seguinte cadro, durante 2015 o ritmo de colexiacións mantívose baixo, e houbo 7 novos ingresos.

Ano	<u>Número de colexiacións</u>
2001	34
2002	3
2003	6
2004	12
2005	6
2006	3
2007	2
2008	6
2009	5
2010	2
2011	6
2012	8
2013	7
2014	5
2015	7

O perfil das novas colexiacións é de persoas novas, que obtiveron o título recentemente.

Perante a situación xeral de crise e desemprego, a nova normativa que afecta aos colexios profesionais e a falta de visibilidade da nosa profesión, dentro e fóra dela, motivan este ritmo tan lento de incremento.

Dende o punto de vista das baixas este ano houbo 3, motivadas, sobre todo por causas económicas.

Polo tanto o balance de 2015 dá un total de 58 colexiados e colexiadas na Delegación Galega.

Por outra banda, de cara a promover a nosa profesión mantivéronse xuntanzas co alumnado de Xeografía da Facultade, así como alumnado de E.S.O. ofrecéndolles a oportunidade, en colaboración co Departamento de Xeografía, de facer unha visita guiada pola Facultade co fin de ver como se traballa, ver os laboratorios, equipamentos, a estación meteorolóxica etc.

2. Xestión administrativa



A xestión administrativa en 2015 continuou sendo asumida polos membros da Xunta territorial, sen contar con ningún persoal de apoio. Esta situación produce limitacións no relativo á axilidade e capacidade de traballo.

3. Relacións co Colexio Estatal

Asistiuse a todas as xuntanzas de coordinación organizadas desde a sede central do Colexio, e colaborouse coas actividades que este desenvolveu ao longo do ano.

Dende o punto de vista económico, e debido a que o Colexio é unha única persoa xurídica, dende a Delegación enviouse á tesouraría estatal toda a información e documentos de carácter financeiro necesarios para a correcta xustificación económica.

4.- Funcionamento interno da Delegación

O día 13 de febreiro de 2015 celebrouse a asemblea ordinaria da Delegación, no local do IDEGA, no Campus Sur da USC, na cidade de Santiago de Compostela.

A asistencia foi reducida, como vén sendo habitual, e foron aprobados os documentos que indican os textos regulamentarios (conta de 2014, orzamento de 2015, memoria de actividades de 2014 e proposta de actuacións para 2015).

Por outra banda a Xunta territorial reuniuse o día 4 de decembro de 2015, na cal se aprobaron asuntos de xestión pendentes, abriuse o proceso para a creación da lista de peritaxes, e decidiu volver a apoiar a celebración, no ano 2016, da Olimpíada de Xeografía en Galicia.

5.- Informe de xestión económica

A Delegación xestiona o seu propio orzamento, con base ós ingresos que a tesouraría estatal transfere ás delegacións.

Durante o ano 2015 a xestión da tesouraría aplicou o protocolo de xestión existente, recepcionando facturas e gastos, facendo os pagamentos por medio de transferencias de banca electrónica, e enviando toda a documentación xustificativa á tesouraría estatal.

O resultado da conta do ano 2015 da Delegación é o seguinte:

Ingresos	2015
01 Ingresos por cotas transferidas	2.772,50 €
02 Xuros recibidos pola CCC	- €
03 Ingresos por formación	- €
04 Subvencións e convenios	- €
05 Visado	- €
06 Taxas por certificados	- €
07 Ingresos por venda de material divulgativo	- €
08 Patrocinios	- €
09 Remanente de caixa	- €
TOTAL INGRESOS	2.772,50 €



Gastos	2015
01 Publicacións	96,07 €
011 Folletos	96,07 €
Cursos e	
02 Formación	- €
021 Relatores - Docentes	- €
022 Publicidade	- €
023 Bolsas a alumnos/as	- €
03 Páxina Web	30,25 €
031 Mantemento da páxina web	- €
032 Cota dominio xeografos.org	30,25 €
04 Gastos de local	- €
041 Alugueiro	- €
05 Publicidade e Patrocinio	618,60 €
051 Día da Xeografía	- €
052 Congresos	- €
053 Olimpíada de Xeografía	618,60 €
06 Material de secretaria, correos, subministrados etc.	90,88 €
061 Material membretado (sobres, folios, carimbo...)	- €
062 Teléfono	90,88 €
063 Material oficina, correos, etc.	- €
07 Gastos derivados da asemblea	8,70 €
071 Bebidas e alimentación	8,70 €
08 Xuntas de Goberno	41,00 €
081 Xuntas de Delegación-Gastos custos	41,00 €
082 Xuntas estatais-Gastos viaxe, alox.	- €
09 Despraz. e actos de representación	595,01 €
091 Gastos de custos	595,01 €
10 Costes bancarios	49,90 €
101 Comisións de mantemento	46,00 €
102 Comisións de transferencias	3,90 €
11 Visado	- €
111 Remuneración do visador/a	- €
12 Outros gastos	61,59 €
121 Apartado de Correos	61,59 €
TOTAL GASTOS	1.592,00 €
20 RESULTADO NETO CONTABLE	1.180,50 €
21 RESULTADO NETO LÍQUIDO	1.180,50 €

En definitiva, as contas anuais presentan un superávit de 1.180,50 euros.

Por outra banda, cómpre salientar que a Delegación Galega do Colexio de Xeógrafos non presenta gastos de persoal xa que non conta con persoal propio contratado.

Asemade os membros da Xunta de Goberno da Delegación non recibiron ningunha retribución en razón ó seu cargo.

Si hai unha partida dedicada á compensación polos gastos asumidos polos membros da Xunta de Goberno con motivo de viaxes e desprazamentos. Neste senso aplícase a normativa vixente sobre gastos de locomoción, manutención e estadias.



No apartado de ingresos debemos referirnos ás cotas colexiais. Presentamos de seguido as cotas vixentes no ano 2015:

Concepto	Total	Cobro	Parcial	Impostos	Observacións
Cota ordinaria	120,00€	Trimestral	30,00€		
Cota xente nova (4 anos titulación)	60,00€	Trimestral	15,00€		
Cota parado/a (acreditación 1 ano de desemprego)	60,00€	Trimestral	15,00€		
Cota xubilado/a	20,00€	Anual	20,00€		
Cota precolexiado (a partir de 2º grao)	20,00€	Anual	20,00€		
Cota precolexiado/a FAJG	1,00€	Anual	1,00€		Asociación con convenio
Gastos devolución de recibos de cotas	3,00€	Recibo	3,00 €		
Expedición de certificados e declaracións	5,00€	Certificado	5,00 €	máis IVE	Agás certificado de colexiación e RSP
Inscripción no rexistro de Sociedades profesionais	120,00€	Inscripción	120,00€	máis IVE	
Modificación da inscrición no rexistro de sociedades profesionais	20,00€	Modificación	20,00 €	máis IVE	
Visado de proxectos	100,00€	Visado	100,00€	máis IVE	
Recoñecemento de sinatura en proxectos profesionais	35,00€	Recoñecemento	35,00 €	máis IVE	

6.- Informe de procedementos sancionadores

Durante o ano 2015 a Delegación Galega do Colexio de Xeógrafos non iniciou nin resolveu ningún procedemento sancionador.

7.- Informe de queixas e suxestións

No ano 2015 non se recibiron queixas nin suxestións por parte de consumidores ou persoas externas ó Colexio.

En relación ós colexiados e colexiadas da Delegación, os servizos centrais do Colexio recibiron unha queixa no mes de novembro en relación á escasa información de emprego existente na web estatal. Esta queixa foi contestada directamente polos servizos centrais do Colexio. En todo caso, dende a Delegación Galega intensificouse a busca de ofertas de emprego, que se fixeron chegar aos colexiados e colexiadas por medio de correos electrónicos.



8.- Informe deontolóxico

O Colexio de Xeógrafos dotouse en 2013 dun Código deontolóxico do exercicio da profesión, de aplicación en todo o Estado.

Este código tamén é aplicable en Galicia, e é o que rexe as actuacións dos membros da Xunta de Goberno da Delegación.

Así, os membros da Xunta de Goberno da Delegación Galega actuaron consonte a normativa vixente, nomeadamente no referente ós colexios profesionais, e á xestión de entidades de dereito público.

Neste senso, tamén se aplica a normativa de incompatibilidades e de contratación, e durante o ano non se produciu ningún procedemento nin toma de decisións na que existise conflitos de intereses.

II. ÁREA DE SERVIZOS

1. Emprego e defensa da capacidade profesional

Malia a crise e o difícil panorama laboral, ó longo de 2015 informouse aos colexiados/as, principalmente por medio do correo electrónico, daquelas convocatorias de prazas vacantes das Administracións e outras ofertas das que tivemos coñecemento, boa parte delas no estranxeiro.

Ademais, houbo solicitudes de información e consultas de colexiados sobre conflitos laborais ou dúbidas sobre a nosa capacidade profesional nalgúns eidos.

Estas consultas foron contestadas directamente, ou foron derivadas ós servizos xurídicos colexiais, para tentar darlles unha saída mesmo procesual ao asunto.

Tamén houbo unha oferta directa de emprego dunha empresa que precisaba docentes. Esta oferta fíxose chegar ao conxunto da colectivo.

2. Caixa de correo electrónico e teléfono da Delegación

A caixa de correos recibe habitualmente mensaxes informativas principalmente, de actividades formativas, que envían empresas, entidades e organismos relacionados coa xeografía.

Igualmente, serve para que os colexiados/as fagan as súas consultas, do mesmo xeito que outros xeógrafos/as ou xente interesada en temas xeográficos. A maioría dos temas consultados están relacionados coa defensa profesional, a situación dos xeógrafos/as no mercado laboral, e coa solicitude de documentos ou servizos do Colexio.

Contestáronse todos os correos no prazo de tempo máis curto posible.

Ademais, a Delegación conta cun teléfono propio, que adoita administrar o tesoureiro territorial, no cal foron recibidas chamadas de colexiados/as ou de entidades, con temáticas similares ás indicadas no caso da caixa de correos.



3. Visado

Por mor dos cambios normativos que fan innecesario o visado en moitos casos, e pola crise económica xeral, no ano 2015 non se visou ningún proxecto no ámbito da nosa Delegación.

4.- Peritaxe:

Os membros do Colexio teñen a potestade para actuaren como peritos ou peritas xudiciais, sexa por demanda de parte ou do propio xulgado.

Consonte a normativa vixente, os colexios profesionais deben presentar a comezos do ano unha listaxe cos colexiadas e colexiados que amosaron a súa predisposición a seren peritos/as.

Polo tanto fíxose unha convocatoria para que quen o desexar puidese anotarse na listaxe de peritaxes xudiciais, e posteriormente enviouse ós órganos xurisdiccionais de Galicia.

A convocatoria para 2016 fíxose no mes de novembro de 2015, para poder enviar a listaxe ós xulgados a comezos do ano. A listaxe de peritos e peritas xudiciais en Galicia está formada por 6 persoas.

III. ÁREA DE FORMACIÓN

1. Organización de actividades formativas

A Delegación galega, en colaboración coa empresa Tysdal, traballou nos últimos meses de 2015 na organización dun Curso de especialización en SIX, na modalidade on-line.

A Delegación galega traballou na organización dun Curso de Análise Espacial Urbana, que será impartido polo profesor Carlos Rizzi.

Ambos cursos celebraranse no ano 2016.

IV. ÁREA DE COMUNICACIÓN E REDES

1. Boletín Electrónico da Delegación Galega

De cara a facer do correo electrónico unha ferramenta áxil e eficaz, a información de interese para o colectivo enviouse en correos co formato do “Colexio de Xeógrafos Informa”.

Por esta vía, malia o importante descenso no número de convocatorias de concursos e de emprego público, enviáronse informacións relacionadas con licitacións da



Administracións públicas, emprego, congresos e prazas de docente ou de investigador en diferentes universidades españolas e internacionais.

En total enviáronse 17 correos informativos.

2. Páxina web da Delegación:

Debido a un ataque informático a web da Delegación Galega do Colexio, que tamén afectou á web nacional, esta permaneceu inactiva a maior parte do ano.

3. Mantemento do Facebook da Delegación:

Continuamos a manter activo o Facebook do colexio, publicando novas relativas á profesión, ofertas de traballo para xeógrafos, e difundindo as actividades organizadas desde a Delegación.

V. ÁREA DE PROYECCIÓN SOCIAL

1. Representación en órganos colexiais externos

Durante 2014 o Colexio seguiu contando cunha colexiada como representante do Colexio perante o GDR Costa Noroeste, e ademais incorporouse outro colexiado como representante do Colexio ao GDR As Mariñas-Betanzos.

Tamén continuamos en contacto coa nova directa do Colexio de Arquitectos de Galicia de cara a desenvolver algunhas actividades conxuntas.

Mantivéronse xuntanzas con representantes da Unión Xeográfica Internacional en representación do Colexio Estatal de cara a organizar seminarios e fomentar a colaboración entre os colexiados españois e os membros de dita institución.

Desde a Delegación Galega do Colexio de Xeógrafos colaborouse na organización dos actos en Santiago do Ano Internacional do Entendemento Global (IYGU), tamén chamado Ano Internacional da Xeografía e impulsado pola Unesco a escala mundial, que se celebrará en 2016. O Centro Rexional do IYGU será coordinado por María José Piñeira Mantiñán, a Presidenta da Delegación, en colaboración con outros profesores da USC.

Esta colaboración estendeuse á Coordinadora Galega das Escolas UNESCO, que tamén están interesadas en organizar actos co Colexio no marco do IYGU.

2. Presenza institucional: Día da Xeografía e actividades no Ensino secundario

Como en anos anteriores en 2015 mantívose contacto e xuntanzas co Departamento de Xeografía da USC. Asemade, coorganizouse o 4º Día da Xeografía. Este día



especial pretendeu axuntar unha serie de actividades de promoción da Xeografía, nomeadamente entre o alumnado dos últimos anos.

A pretensión era explicar onde traballamos, cales son os nosos ámbitos de investigación, e cales poden ser as saídas da Xeografía, ademais de que presentar o Colexio como entidade de apoio ós xeógrafos e xeógrafas.

Por outra banda, este ano voltamos visitar determinados institutos para dar charlas informativas sobre a carreira de Xeografía e as súas saídas profesionais.

Organizáronse en Santiago de Compostela as Olimpíadas Galegas de Xeografía que tiveron lugar o 6 de marzo de 2015 na Facultade de Xeografía, coa participación de alumnos de 2º bacharelato de varios institutos galegos.

Asemade, os gañadores da fase local foron acompañados á fase estatal, celebrada en Valencia.

Colaborouse coa Asociación de Xeógrafos Españois e o Departamento de Xeografía para pór en marcha o *IV Concurso Estudiantil de la AGE a través das túas fotos*.

Santiago de Compostela, febreiro de 2015

Delegación Territorial de Galicia do Colexio de Xeógrafos